

新  
宋  
魏  
神  
王  
氏  
宗  
譜

號字





新  
華  
東  
亞  
書  
局  
藏  
書

上海图书馆

登记号码

00913777





龍溪王氏牋語與

倡修

卷五

中

邦治

歲貢生佐補訓導

全芝

及蘭

印

國芳

邑庠生

家潤

字

雨春

衡文

全英

編

全

瞻

燮

字

煥章

載元





音... 卷之...

協理

家... 字子

亭

盛... 字聲遠

全武

家衿 字子青


邀修

盛餘 字萬有

全... 字萬順

...

家傑 字際時





家境

贊修

盛坤 字 思心 仙

全盈 字 稔餘

全蘓 字 得滋

全芹 字 采其


全富 字 日新

全裕 字 有積

全旺 字 亮遠

勤修

全積 字 錦餘






家興 字 萬隆

器具

家裏 字 子餘

受照 字 森然





龍池王氏續修宗譜目錄

新譜序

史浩序

文天祥序


仲舒公序

士徽公舊譜序

譜論

凡例

宗規





家法

庭訓

祠訓

太原郡宗族顯人

襲慶圖

武口祖像

叔祖鄉賢像

龍池祖像

王氏始祖世系





龍池歷代世系

龍池基圖

并論

龍池六代瓜瓞圖

并論

龍池遷派圖

并論

廷銜公轉遷林村基圖

武口祖墓圖

龍池祖墓圖

歷代祖傳

叔祖鄉賢傳





龍池祖傳

烈女傳

宗子論

行第歌

跋





龍池宗譜序

王氏之有族譜由來久矣雍正

元年纂修武口總譜吾族祖士


徽公曾作龍池譜序刊列譜首

嗣後因族大戶繁不能遠行招

致而遠方來赴是舉者亦以道



阻且長艱於資斧不克駢集於  
 是各村支譜興焉我龍池  
 始遷祖德遠公諱永翁者於明永  
 樂戊子年自清化來居是土歷  
 傳至今已十有八代根深而枝  
 日茂源遠而流日長其徙居異





地者近如河濱輪溪山背黃沙  
金家灣遠如江右姑蘇維揚江  
寧西粵西蜀又指不勝屈矣幸  
留居故土尚有關心譜牒者每  
於有事  
先祖之時正襟危坐而言曰王氏



宗譜向閱六十年一修今其數  
已過萬以戶衍人繁或寓居遠  
遠或門祚衰薄總修之事勢必  
難行而世遠年湮又恐不免遺  
佚盍作龍池支譜乎予嘉其識  
見之卓議論之宏也爰命胞弟



國芳族侄家潤等委以是事第  
侄俱欣然哀集不憚勞瘁閱四  
月而功告竣因問序於予予告  
之曰王氏

始祖翔公

二世釗公子十人孫二十六人曾



孫五十六人由建隆元年至天  
聖二年六十有五年間四世同  
居閤門三百二十有六人迭傳  
迭衍愈熾愈昌其所以致此者  
果遵何道哉蓋皆以存心仁厚  
作事誠正而然也今龍池支譜



已幸告成後有孝子慈孫推祖  
宗之心以為心率祖宗之事以  
為事由合族而敬宗即由敬宗  
而尊祖據支以尋根因流而溯  
源將見根日茂而枝益繁源日  
濬而流益廣於吾族有厚望焉



諸弟侄俱應曰然哉然哉爰不  
揣固陋即以是言弁諸首

昔

皇清道光二十六年歲在丙午麥

秋月上澣之吉十五世孫歲

貢生候補訓導邦治百拜序



太原王氏譜牒序

譜牒之來尚矣自軒轅堯舜至三代春秋諸侯卿大夫  
名號繼統姓有所承或以賜或以字或以氏是不一族  
晉司隸校尉崔琳奉勅所譔更集至唐貞觀中吏部尚  
書高士廉秘書監令狐芬汪行忠中書舍人徐令言等  
編譜系合二百九十三姓千六百九十一家九等族姓  
氏誌庸著爲令天下遵之中宗景龍中柳冲復修其書  
開元初柳冲與薛訥復加刊纂考定二十六姓爲國之  
柱十六姓爲國之宗太原瑯琊王在焉王氏之先出於



音池王氏宗譜  
卷之  
周靈王太子晉之後子孫多賢而才能愚不敢有頌而  
譜誌祖宗之自出非特以著世次紀官位蓋將使後觀  
之攷世德之淳疵流輝之廣狹俾其子孫益知所自立  
爾

建炎二年秋八月朔六日

京兆史浩謹撰



題王氏譜牒


譜牒家之序也世有妄視他人之祖爲己祖是謂不智  
棄其祖宗而莫之顧是謂不仁不仁不智奚以立於世  
王氏奕世遞傳清白相承历年綿久譜牒分明溯考源  
流西周子孫舉無二者之非凡在後嗣當世世珍之重  
之勿視爲陳迹已也

峕

德祐二年春王正月下澣五日

吉州文天祥撰







常侍仲舒文靖公舊叙

天下之事有似輕而實重似緩而實急君子每切於庸  
心而衆人漫不加之意者何哉蓋衆人之見恒狃於目  
前君子之見獨超於遠大故也今夫貨貨之未充田疇  
之未廣室廬之未新戛戛然爲後子孫憂者目前之見  
而爲常人之情若夫倫理之弗明禮義之弗興風俗之  
弗淳孜孜然爲後世慮者此則遠大之謀而爲君子之  
獨見也舒雖無似竊嘗領先人之教而聞君子之風矣  
以爲欲淳風俗者必先興禮義欲興禮義者必先明倫



理欲明倫理者必先謹族譜况我太原之譜自前人纂  
修編摩之後迄今世遠代更遷徙弗一而生齒日繁其  
將有本始失正尊卑失序親疎失辨之弊矣苟不會而  
輯之則祖宗之功烈日以泯而前人所纂修編摩日以  
逸猶之人焉保夫四體而去其首又誰戴也猶之木焉  
沃夫枝葉而斷其本又誰附焉若是則吾祖之世德不  
將委諸草莽矣乎用是痛心臥而不寐援搜舊譜率衆  
重新於是衆襄其謀而纂述之舒輔其謀而贊之凡受  
命而供事者莫不懽然趨職廣詢而博訪遠稽而近述



凡出於我王之後者咸附焉間有不及附者則書其派  
闕其下以俟焉爲書凡若干卷越二載而工始完上日  
而奏於天朝羣族咸在舒乃告於衆曰斯譜也遡流以  
窮源本始旣正矣系圖而著代尊卑旣叙矣分支而列  
派親疎旣辨矣本始正則人知所重尊卑叙則人知所  
敬親疎辨則人知所愛一展卷之間倫理不由是而明  
乎倫理旣明則禮義因之而可興風俗因之而可淳矣  
然則斯譜之作誠今日之急務而爲君子之所當重也  
謹叙







雍正癸卯龍池士徽公譜序

余昔覽六一居士之圖司馬涑水之宗派記未嘗不掩

卷嘆曰誠哉譜系之不可無也蓋萬物本乎天人本乎

祖派雖別而其源則同枝雖分而其本則一是以有合

族之譜有各族之譜昭穆藉以序親疎藉以辨敬宗收

族於是乎在是故缺者修之斷者續之昔有而今無者

補之此仁人孝子所急宜留心者也王氏自叅軍公始

家武口族大齒繁分徙四出傳至七世士宗公遷松木

九世十九公遷松墅十二世彌聰公遷清化此處覬原十



七世明永樂戊子永翁公遷龍池相沿以來歷有可攷  
第因輾轉遷徙舊譜散佚隆慶天啟中兩次纂修未及  
續補所幸余叔心齋懋叙世系自爲家譜稍得存其大  
概又况永翁公五葉後子孫又多擇地而處輕去其鄉  
近而河濱輪溪山背黃泓金家壩遠而江右浮梁玉山  
贛州以及姑蘇維揚金陵京口西粵西蜀僑寓旣久遂  
各成家誠恐世代益疎不相識認甚且桑梓邱墟難復  
記憶然則世譜之修豈非急務乎余今髮已種種不獲  
策杖他鄉遍相期會惟於世譜派系一一注其根據記



其里居不至稍有脫漏俾其異日有歸宗之路是亦不  
忘祖不遺族之意云爾余竊憶戊子夏晤族人庶采於  
世賢堂席間相與叙及世次皆出二府君後遂有志邀  
會宗派而庶采又隨其尊人汶山翁寄籍武林十餘年  
間不相聞問汶山翁久操選政各播海內余嘗讀其文  
恨未見其人去年夏其喬梓同入局中總理譜事而卓  
仙鳴和兩叔慷慨捐貲預付剗又復郵函相約余因  
不覺以手加額以爲天啟至今百十餘年之缺典茲逢  
賢達挺出力仔肩之收族敬宗之功孰有大於此者不



龍池王氏宗譜  
卷之十  
揣固陋亦復黽勉早夜排纂更取心齋叔家譜泰而合  
之彙成一編在龍池以上之條理既明龍池以下之昭  
穆亦著而因以一族之譜附於合族之譜亦庶幾不等  
於自鄣之無譏矣



譜論

程子曰宗子法廢譜牒尙有遺風譜牒廢人家不知來處  
世無百年之家骨肉無統雖至親恩亦薄也

黃山谷曰世之有氏爲族者微有譜識其所從出考其所  
由分世日益遠族日益繁必至於不相維繫而昭穆之  
辨淆矣

歐陽修曰族之爲言簇也尙夫聚而有別姓之爲言生也  
本其所自生氏之爲言示也示其所自分自姓統氏分  
之制變而支派日已紊矣大宗小宗之法廢而族屬日



已疎矣於是不變者累數千百年而其子孫動且萬計  
賜者別者更者冒者紛復交錯於其間愈益難明而後  
譜牒之辨殷焉

呂本中曰國無國之道而後國亂家無家之道而後家亂  
故禮樂紀綱者國之道也宗法譜系者家之道也

蘇老泉曰太上立德其次立功其次立言譜牒者亦立言  
之一端也又曰人家三世不修譜則同小人矣

王荆公曰余聞老泉論譜牒謂可知者續之不可知者缺  
之此語極有病夫人不生於空桑豈無祖宗可知者固



可續矣其不可知者必夜而思旦而求捱形捉影如今  
人之捕獸豈有不得者乎苟失於知而又安於不知其  
爲不孝益大矣

北溪陳氏曰譜牒者人身之根本也根本不明則顛倒無  
據或妄委其姓冒人戶貫或妄以戶貫而混其宗支何  
止於托漢壻而冒姓劉以狄種朱邪而附李屬籍者耶  
梅溪王氏曰凡作譜者不過爲祖宗重也人知重乎祖宗  
則所存惟仁而匪仁不存所行惟義而匪義不行何也  
恐得罪於祖宗也



音泚三氏定言  
五峰胡氏曰甚矣譜牒之不可不作也譜牒作則昭穆有  
序而疎戚不遺百世之下猶足以知其分殊而一本不  
作則喜不慶憂不弔不以至親相視如塗人者鮮矣

默齋游氏曰宗法廢壞士君子無地以致其親睦之意獨  
有譜牒一事猶能稍合宗族而收其流散是以前輩多  
留心焉

新安程氏曰譜之要在明一本而濬其源所以尊祖而敬  
宗也究萬派而清其流所以別親疎之遠近也辨昭穆  
等降之殊所以識尊卑之次第也行吉凶慶弔之禮敦



孝友睦婣任恤之行所以崇宗族之典禮也

可堂吳氏曰宗法廢而後譜作譜作而後族尊族尊則一族之人始有所統孝敬之心油然而生不至相視如塗人譜其有關於世教也大矣

宋景濂曰甚矣譜牒之難稽也君子當盡心於所不知信其所可知而已耳人有言曰三世不修譜爲不孝苟世世修之其有不孝之失耶君子慎焉可也

羅一峰曰自宗法廢而後譜學興矣明其本之自出所以尊尊也別其支之由分所以親親也尊尊親親之道盡



前池王氏宗譜卷之二  
而族之大本立矣

白珪彭氏曰古者之保姓受氏也天子賜之司商協之立  
宗法以聯屬之而忠義之教成朝廷之勢尊天下之家  
正保族者保天下之道也天下各保其族天下治矣



凡例

例也者酌理義之中而條約之以示一定而不可易也  
遷徙廣人文盛世系繁設不定例詳者何以獨詳畧者  
何以獨畧觀譜者難無疑信相參今定凡例於前宗派  
之繁有所不敢移詳略之文有所不必議斯爲譜牒之  
要領云

一家之有譜猶水之有源也源遠者流自長雖萬派無不  
朝宗而千流無非一貫故譜系之作先賢謂仁不忘祖  
義不遺族也



音池王氏宗譜卷之十  
一列譜圖蓋以叙尊卑分疏戚也系下分注小傳備叅攷也書字重名也書行第叙齒也書年月日時攷壽也書葬重遺體也他如書號所以見志書行所以紀實書娶所以明配書女所以重婚言必據實毋貴浮詞溢美

一原繼子蓋以明宗支昭絕續也凡承繼者於所生父下書第幾子出紹某人又於所繼父書某幾子入紹至若異姓來繼者書某氏子入紹往繼異姓者書出紹某氏所以嚴名分存矜恤也

一揚善類蓋以昭先德示激勸也故有福壽雙全德位兼



備與夫忠孝節義聰明特達異才異行宦績學業見稱於世而應旌獎者畧紀實於本名之下以便觀覽若行不足以激厲則不敢徇私妄書焉

一紀婦德蓋以著內行敦風俗也苟有賢德之婦貞烈之女則必揭其名而紀其實餘止書姓氏云

一舊譜世系以官爵行第爲綱以諱字附錄不知人之始生父母命名冠則定字及成人有室故編以行彼以行爲綱者殊覺行次雷同混而無別名不著稱且至茫然不知祖諱今當以諱爲綱字行附錄父前子名之義也



音泚王以宗譜  
卷之首  
若前代失諱者止得書行其官爵謚號則與實行並載  
小傳之中後之賢人君子不可從簡妄削

一有犯祖之諱者有重宗人之名者揆諸理勢無非以譜  
不修故或隔於世而然或阻於地而然然考之世數支  
派昭穆自分不妨曲從書之無復辨正

一繪墓圖示當世守也其自始祖以下不能盡畫圖式俱  
附錄葬處於各人名下夫婦同葬者則曰仝葬某處異  
墓者則分書之至有側室與子孫墓其旁者則書曰附  
葬以便後裔拜掃云



一清遷派蓋以謹源流杜冒認也故譜牒之修在會者必  
貴攷實不輕收入其或涉於遙遠而不及會狃於薄俗  
而不知會遷而復遷不相通會厄於貧困而不能會甘  
於僕隸而不可會則仍載某遷某處以俟後會核實詳  
收焉

一譜之患多有插派之弊不可不預防焉今惟自始至終  
咸定以五世編次如鱗承接無間乃足使非我族類者  
不得附于內以紊宗支

一錄文翰蓋以顯祖功揚宗德也歷世以來有文像讚傳



音池王氏字譜  
卷之四  
記序銘墓誌必擇其最著者載諸譜末以見一家文獻  
之盛云

一遡前徽舊譜於仲舒公以前甚畧愚觀司馬遷自序上

遡重黎下及程伯休父然後至於司馬氏其間序天地  
典周史相中山傳劍伐蜀鐵官市長源源委委皆詳核  
備叙是以茲譜自少典而後至仲舒公凡可傳者皆爲  
備載不敢畧或曰諸侯不敢祖天子可無忌與曰此爲  
公廟不可設於私家言非謂不可上叙世數也

一重賢裔譜必有序自叔祖五賢諸先達而外凡支下子



孫所自爲者無不重梓以其雅志修輯篤念祖宗皆賢子孫也至若外姓之筆惟精切者間登一二否則自宰輔翰苑鼎甲亦必汰去以其於吾宗無補焉耳

一同稱謂舊例提要稱某公惟逢五世者得提起以稱之餘皆不然其弊固失之偏今自武口所訂之譜凡提起者亦一概稱名以譜內人俱有父則皆可云父前子名也

一體人情凡繼別姓子彼本宗既不載此又盡畧而不書則其人竟無係屬即有功亦無自顯揚故附編譜末於



音泚三氏宗譜  
人情乃曲全無拂如復繼本宗仍人正譜

一保絕墳繼異姓者雖入正系然墳墓賴其世守或被外  
姓侵占能出力保全即爲王氏功臣亦必於繼異姓譜  
內表其事以著其績若盜賣祖墓及反暗加侵害者本  
族查出卽當黜其人別繼王氏本族子姓

一振衰弱武口舊譜惟出資者刻名故木主墳碑有名而  
譜反無名者時每有之今惟自棄甘爲人下者不入餘  
則窮困衰弱無不畢登

一芟濫冗此番譜牒凡忠孝節義必事實可傳方許編入



雖家乘記善而不記惡然浮贊套語宜無濫用記曰先祖有善而不知不明也知而弗傳不仁也又曰無美而稱之是誣也故記善不可以不謹

一清承接凡有幾子者皆緊列其人名下承頂既清則凡謂生幾子與第幾子皆爲複文今概不註惟前後母各生之子必註清以辨所出

一傳諱字前人記行第而不記名至有以小三小四呼其先人者甚屬褻慢今記生歿則誰長誰少行第已在其  
中况古來惟名與字最重如春秋魯季友卒季字而友



名史記書言偃字子游卜商字子夏游夏字而偃商名  
書法若此其人已悉然閭里之間當時每呼其乳名後  
世遂不知其諱與字武口舊譜所云記乳名者非大體  
愚意欲使後來子孫易於稽查仍不如於各人正名下  
并載乳名之爲善也

一嘉治生不獨爲士者奮志青雲譜樂稱道卽農工商賈  
能專治一業以垂裕後昆亦喜加獎許漢鄧禹爲高密  
侯其子十人尙使各守一藝今譜亦貴乎此也勿以先  
儒不尙治生而忽之



宗規

一爲子者必以孝順奉親爲父者必以慈祥教子爲兄弟者必以友愛篤手足之情爲夫婦者必以恭敬盡賓對之禮毋徇私乖義毋逸遊荒事毋罔法犯憲毋信婦言以間和氣毋學博奕以廢光陰毋耽酒色以亂德性凡此數端各宜深警

一家之盛衰係乎積善積惡而已何謂善恤寡憐貧賙急救災凡濟人利物之事皆是也何謂惡巧施奸僞舞弄是非凡反道敗德之事皆是也愛子孫者遺之以善不



音池王氏宗譜  
卷之九  
愛子孫者反是

一家之和與不和皆係婦人之賢否其賢者奉舅姑以孝  
順事夫主以恭敬待妯娌以溫和撫子姪以慈愛御奴  
僕以寬恕如此之類是也其不賢者狼戾妬忌恃強欺  
弱搖唇鼓舌面是背非爭長競短以壞家政如此之類  
是也福善禍淫天道昭昭爲婦人者必當鑑此

一先世祖宗墳墓坐向地名字號畝步具詳各業毋斬邱  
木毋侵疆域毋以此售諸他姓倘有此等不法之徒率  
族究議懲其不孝



一 族兄弟伯叔子姪相呼各以其字其在同輩上者必曰某字兄同輩下者必曰某字弟伯叔命姪曰某字姪姪稱伯叔曰某伯父某叔父不許爾我相稱慶弔則平輩叩少輩叩長輩則只長揖坐依行第不分主客

一 族人儻因財產口過互相是非務從族長賢明者公議釋判勿得擅控公堂致乖族誼

一 讀書尚禮交財尚義富勿自驕貧勿失志各守其素毋得有玷宗風

一 兄弟伯叔同氣之親分產析業務在公平毋徇偏頗以



音泚三氏宗譜  
致不仁不義：

一塋田之置崇墓祭也各支子孫輪流歲收其租每屆清明節五日內務備祭物舉各房長少遍歷祖墓拜掃祭奠祭畢分胙若墓在遠方則宜先期祭掃毋得荒怠廢禮

一冠婚喪祭之禮雖稱家之有無然必以清素爲上勿習世俗浮華有違家禮

一子弟當冠須延有德之賓庶可責成人之道觀趙文子始冠見諸大夫可鑒也



一 族之婚姻娶婦必擇其賢嫁女須教以德先貧後富先富後貧命也若貪利議婚或以女許賤姓或娶賤姓之女皆所當禁


一 喪禮久闕世俗多信浮屠超薦用鼓樂悖謬甚矣宜皆屏絕以遵儒禮

一 祭祀以盡報本之誠宜依家禮先期陳設是日族衆咸臨祭畢散豚禮筵不得過奢亦無太儉惟在持久不廢

一 祠堂之設所以報本重禮也每歲元旦率少長以叙團拜之禮立春冬至遵依禮祭祖不可荒畧



一諸處墓塚歷年已久有平露者當奉土封之被侵占者當據冊復之若無碑石者當卽重立之并須深刻名氏免致湮沒難考





家法

敦孝友書稱君陳孝于親友于兄弟夫子稱之曰是亦  
爲政蓋家國無二理也况吾家本孝友信義之門先世  
遺訓具在爲子孫者宜世守勿失苟有故干長上先責  
以理抗而不服者聞諸公庭依律治之

一睦宗族昔張公藝九世同居范文正公置義田以收宗  
族二公高誼至今深人嚮往凡事以遜讓爲是不可因  
小忿傷大義又况保守身家之道正在慎之於始

一重家學吾族鄉賢接踵家有餘師凡屬成人自能知所



音池王氏宗譜卷之十  
取法而聖狂之介尤在童年少成若天性習慣成自然  
語不妄也子弟初就塾必擇其嚴毅方正可爲師表者  
教之苟非其人毫釐之差謬以千里不可不慎

一別男女易家人卦曰男正位乎外女正位乎內男女正  
天地之大義也不正男女家風何以厚哉凡出男子宜  
從右女子宜從左違者罰在本房族長

一崇典禮養生送死自有一定禮制智者過愚者不及皆  
非也且如祭墓之類宜遵文公家禮不豐不儉乃爲合  
中賢智之過不稱有無祇欲自家爭體面亟宜戒之



一遠佛老佛老之說最惑人心人死豈有輪迴之理修齋  
供佛何益於事若以爲孝則一切小人皆能之苟謂必  
如是父母方脫地獄則又以父母爲有罪之人矣世有  
孝子而罪其父母者乎

一勤生業天下之事莫不以勤而興以怠而廢子弟之俊  
秀者固當奮志向上自強不息其不能者亦須各治一  
藝鷄鳴而起孜孜然必求其事之成藝之精而後可  
一節財用理財之道入之無數不如出之有節苟能節用  
則所入雖少亦自不至空乏嘗見世之好華靡而不質



音池王氏宗譜卷之百  
實者鮮不壞事故光武以帝王之家而猶戒公主勿用  
翠羽子弟輩須知漸不可長凡土木之事不得已而後  
作服飾之類只宜以布爲美婦人首飾不必華麗能如  
此則是守富之道


一戒爭訟好爭非君子之道爭之不已則必至訟訟豈盛  
德事哉訟者之辭皆無實之辭甚足以壞人心術且至  
費財破家何益之有故或有外侮亦宜靜以制動若以  
非理訟人尤爲不可故易訟卦云終訟受服而猶有終

朝三褫之戒



一毋倚勢從古以來未有不因恃勢取敗者子弟輩血氣  
方剛或恃力或恃財縱情一往不自斂飭又安知勢之  
強於我者不轉以勢制我乎正宜以此自反方是守身  
保家之道







庭訓

孝 生我者誰育我者誰擇師而教我者誰雖生事葬

祭殫力無遺未克酬其萬一苟其或缺滔天之罪

尙何可言

弟 易得者貲財難得者同氣乃或以貲財之故而傷

同氣之誼是謂難其所易而易其所難其惑孰甚

忠 求忠臣者必於孝子之門公爾忘私國爾忘家非

云忠孝難以兩全正謂君親本無二致

信 無欺之謂信試觀陰陽寒暑日月晦明何曾有一



龍池王氏宗譜卷之五  
毫假借故欲人信我切莫欺人果能不欺則至誠  
可感豚魚而况同類

禮

人之有禮猶物之有規矩非規矩不能成物非禮  
何以成人故凡一身之中動息作止慎毋以細行

忽之

義


尚義之與任俠固大不同任俠者鄰於慷慨不無  
過舉尚義者審事幾揆輕重非窮理盡性不能

廉

好利謂之貪沽名亦謂之貪世有却千金而不顧  
者名心未忘可謂廉乎四知是畏當取以自勗



恥  
羞惡之心人皆有之斯爲改過遷善之幾苟漠然  
無所動於中豈非小人而無忌憚者乎故曰人不  
可以無恥









祠訓

夫人不可忘本本者吾之祖宗也祖宗培植深厚然後  
子孫昌大綿遠如樹之有根根深則蒂自固如水之有  
源源遠則流自長况我王氏承祖宗之積累致子姓之  
繁多顧可一日忘本乎哉蓋祖宗生養子孫原望子孫  
爲第一等人極富極貴固自有命務各盡其實以無忝  
所生爲士者毋未成而荒功毋小成而得志幸而弋取  
科第毋奔競當權毋傲睨後進卽備位國家毋徇上官  
而虐百姓毋逞已見而濫五刑毋縱嗜欲而重征求毋



音池王氏宗譜卷之八下  
蔽子弟而擾鄉里爲農者毋作蒸穀水米毋雜糝糠莩  
稗毋甸官田而忘坍沒之累毋欠官糧而受追呼之苦  
毋時當耕種而田器不修毋未及秋成而稱貸過當爲  
工商者毋竒技淫巧以蕩人心毋漫藏誨盜以傷身命  
毋輕一物之微而造作濫惡毋忘一家之望而貪戀邪  
淫凡人所當戒者大畧如此而其最重者莫如父母當  
竭力以養其志當曲意以娛其心當出入以告其方當  
動作以稟其命一顰一笑一出入一處當勿辱親之遺體  
勿玷親之令名父母而下以天性合者莫如昆弟當一



手一足而比肩共事當一先一後而異體同心當輕貨財而重骨肉當急患難而共榮華當視姪猶子而厚薄不分當自始至終而愛敬不輟兄弟而外以人道合者莫如夫婦當令潔飲食之具而孝養舅姑當弗聽牀第之言而友于兄弟當無私蓄私與以開妯娌嫌忌之端當無晏起蚤眠以示婢僕偷安之習當無入佛廟而近女僧當無炫珍珠而艷羅綺事君則以忠當無貳無他以及心王室當有爲有守而忘我身家爲大臣當思舟楫霖雨之才爲小臣當思奔走後先之用爲文臣當展



華國之謨爲武臣當副干城之望交友則必信當然諾  
不欺而有約必踐當肝膽相照而疑詐不生當傾蓋遭  
逢而白首如故當乘車戴笠而貧富胥忘夫秉禮度義  
者君子之行也能秉禮則上下有常而無越分之事出  
入有度而無苟賤之羞能度義則制事合宜而無適莫  
之弊應物有權而無輕重之差夫寡廉鮮恥者小人之  
心也勿寡廉而貪得多取以造怨尤之府喜新好異以  
開劫奪之門勿鮮恥而自暴自棄終難進於聖賢爲鬼  
爲蜮終有覲於面目居喪當盡其哀自屬續以至掩土



不可草率完事貽昊天之恩不可妄想富貴信地師之  
誣惟棺槨從美含歛從厚相土從滋工築從多事事出  
於至性而居喪庶可無憾承祭必盡其誠自就位以至  
望燎不可恍惚瞽亂令此心不虔不可跛躄欠伸致動  
容不敬惟祭期必齋祭服必潔祭品必時祭器必備件  
件本於實心而承祭庶可無憾娶媳止求其淑不可攀  
援富貴而尊長遭其凌忽不可輕薄貧賤而勢利起於  
家庭擇壻止問其賢不可慕其父母富貴而甘作癡翁  
不可必其後日貧窮而情乖半子至於有婢但令給事




內室不可溺情艷婢以生奔亂之階不可忍心錮婢以  
干天地之怒有僕但令服役外庭不可縱容悍僕以滋  
悖逆之事不可參養俊僕以致覬覦之萌如是則可以  
爲四民可以敦五倫可以立禮義廉恥之防可以作喪  
祭嫁娶之準此雖不敢云爲聖爲賢而勤勤懇懇率此  
以徃豈難無忝所生乎若夫耽花柳逐賭博飾蜚蜉之  
衣裳貪屠門之酒肉狎近匪僻成羣爲非游手好閒拋  
棄本務必至敗壞倫理蕩決四維而爲天地所不容祖  
宗所不祐矣惟願世世子孫敬守勿替



道光二十六年歲次丙午春壬月立春後十日

十五世孫邑庠生國芳百拜謹載







十五川籍邑氣本圖茨百我藪地

卷之二十六李燾次兩千春王民立春分十日



太原郡王氏宗族顯人 未及悉紀

東漢烈

字彥方太原人少師陳實以孝義稱鄉里有盜牛者主得之盜請罪曰刑戮所甘乞不使王彥方知也烈聞而謝之使遺布一端後有父老遺劍於路行道一人見而守之乃先盜牛者凡有爭訟將質於烈或至途或望廬而返其德之感人如此時號其鄉曰君子鄉

東漢允

字子師太原祁人郭林宗見而奇之曰王生一日千里王佐才也為司徒破黃巾誅董卓

末漢凌


字彥雲太原人魏揚豫州刺史甚得軍民歡心旌先賢之後求未顯之士各有條理正始初為征東將軍吳大將全琮數萬眾攻芍陂凌率諸軍力戰爭塘琮退走遷儀

同三司進太尉

假節鎮淮南

末漢廣

字公淵凌之子有風量才學與傅瑕等論才性同異行于世





晉 渾

字元冲晉陽人昶之子以平吳功官至司徒

晉 濟

字武子晉陽人渾之子風流豪爽氣蓋一時性好馬尚常山公主官至太僕

晉 懿

字仲德太原人晉安帝北伐進懿征虜將軍加冀州刺史督前鋒諸軍事宋武欲遷都洛陽眾議咸以為宜懿曰非常之事人所駭今暴師經載士有歸心故當以建鄴為王基遷都宜候文軌大同帝深納之

晉 沉


字處道晉陽人父機魏太守沉少孤養於從叔昶事昶如父奉祖寡嫂以孝義稱好書善屬文以佐命勲累遷尚書令散騎常侍封博陵郡公

晉 訥

太原人葉令

晉 濛

字仲祖訥之子神氣清韶不修小廉與劉惔友善惔常稱濛性至適而自然有節濛曰劉君知我勝我自知辟司徒掾為中書郎以后父贈光祿大夫






晉 蘊

字叔仁濛之子仕至散騎常侍鎮軍將軍光祿大夫補吳興太守時屬郡荒人饑遂開倉贍恤主簿棟請待報蘊曰表上須報何以救將死之命乎專輒之愆罪在太守

于是大賑貸之賴

蘊全者十七八



晉 倫

字太冲渾弟醇粹簡

遠歷大將軍叅軍

晉 嶠

字開山太原晉陽人渾之族永嘉末遷太子中舍人以疾不拜王敦請為叅軍爵九原縣公敦在石頭欲禁私伐蔡洲荻嶠曰中原有菽庶民采之百姓不足君孰與足

若禁人樵伐未知其可敦不悅敦將殺周顛戴淵嶠於坐諫曰濟濟多士文王以寧安可戮諸賢士以自全生敦大怒欲斬嶠賴謝鯤以免敦猶銜之出為領軍長史敦

平後除中書侍郎咸和初

拜廬陵太守卒謚穆

晉 恭

字孝伯蘊之子為著作郎嘆曰仕不為宰相志何足騁美姿儀濯濯如春月柳歷丹陽尹中書令出為五州都督前將軍青兗二州刺史



晉 修

字敬仁濛之子起著作郎轉中軍司馬善隸行書年十三作賢人論真長見之曰足  
叅微言

晉 熙

字叔和蘊之子尚鄱陽  
公主為太子洗馬

晉 爽

恭之弟忠孝正直烈宗崩王國寶夜開門入為遺詔爽為黃門郎拒之曰大行皇帝  
晏駕天子未立敢有先入者斬國寶懼乃止仕至寧朔將軍

晉 補之

字文劭小字僧恩述次子少知名  
尚尋陽公主仕至中書郎

晉 忱


字元達坦之第四子仕至  
荊州刺史建武將軍

晉 遐

字桓子述從叔仕至光祿  
勳贈光祿大夫諡曰靖

晉 愷

字茂仁襲父爵後為  
丹陽尹卒贈太常





南元謨 字彥德 祁縣人 仕宋為彭城太守 累官至開  
北府儀同三司 遷南豫州刺史 加都督

南思政 祁縣人 漢司徒允之後 容貌魁梧 有籌策 仕北齊為都官尚書郎 在荊州置二十城  
北以當衝要 所薦舉咸得其才

南僧辨 字召才 祁縣人 學涉該博 尤明左氏春秋 器宇肅然 雖射不穿札 而有凌雲氣 仕梁  
北為江州刺史 後平侯景之亂 加侍中 尚書令 累遷至大司馬

南茂 太原人 好讀丘書 性寬厚 居家未嘗有惰容 梁武帝以王佐許之事 無大小皆詢焉  
北累官至江州刺史 在州不取俸獄無滯囚 居處被服同於儒者 卒贈太尉 諡忠烈

南軌 太原人 允之後 性質直事 周累官內史 下大夫 處以腹心之任 以功進位柱國 拜徐  
北州總管 威鎮敵境 陳人甚憚之 先是以平弁鄴功 進位上大將軍 進爵鄴國公 及陳

將吳明徹入寇 呂梁堰清水以灌州城 列船艦於城下 以圖攻取 詔軌率諸軍赴救  
軌潛於清水入淮口處 多豎大木 以鐵鎖貫車輪 橫截水流 以斷船路 方欲密決其  
堰 以斃之 明徹覺 破堰 遽退 至清口 船並礙車輪 不能過 軌因率兵圍而蹙之 惟騎  
將蕭摩訶 以二十騎先走得免 明徹及將士三萬餘人 並就俘獲 後軌以太子有失



德與賀若弼謀白武帝若弼  
翻覆宣帝立恨軌待誅

南  
北則

字元軌太原人少驍果有武藝初隨叔父魏廣平內史老生征討每戰功老生爲朝  
廷所知則頗有力初以軍功賜白水子神武天平初頗以軍功都督荊州刺史則有

威武邊人畏服之卒

贈司空諡烈懿

南  
北元規

字正範年十二隨母依舅氏土豪劉瑱欲妻以女母以其幼弱欲結強援元規泣請  
曰因不失親古人所重豈得苟安異壤輒婚非類乃止十八通春秋左氏孝經論語

喪服爲學士著春秋發題辭及義記十一卷續經典大義十四卷孝經義記兩卷左  
傳音三卷禮記音兩卷時爲左氏學者皆以賈逵服虔之義難駁杜預凡百八十條

元規引證通析

無復疑滯

南  
北獻

字洛誠晉陽人少傳父業姿貌偉麗超遷結事中俄爲散騎常侍吏部尙書太和二  
年高祖臨虎圈有逸虎幾至御座左右驚靡獻獨執戟禦退四年遷尙書令封爵中



山王加鎮東大將軍及沙門法秀謀逆事發多所牽引獻曰宜梟斬首惡餘從疑赦高祖從之得免者千餘人及疾篤上疏曰臣聞為治之要其略有五一慎刑罰二任賢能三親忠信四遠讒佞五行黜陟尋薨紹為起廟以時祭薦并立碑銘置守祀五家圖其捍虎狀於諸殿命高允為之讚京都士女絃歌之名曰中山王樂

南  
神念

太原祁人少好儒術性剛直所更州郡必禁止淫祠時青冀東北石鹿山先有神廟妖巫欺惑百姓神念至便令毀撤普通中大舉北伐徵為右衛將軍六年遷使持節散騎常侍爪牙將軍右衛如故遘疾卒時年七十五紹贈本官衛州刺史兼給鼓吹一部謚曰壯子專業仕至太僕卿卒贈信威將軍青冀二州刺史鼓吹一部

南  
頌

字景彥少倣儻有文武幹局其父僧辨平侯景後為陳武帝所殺號慟絕食頃乃蘓哭泣不絕聲毀瘠骨立至服闋常布衣蔬食藉藁而卧周明帝嘉之授左侍上士累遷漢中太守尋拜儀同三司開皇初獻取陳之策召見大舉伐陳頌自請行力戰被傷夜中夢有人授藥比寤而瘡不痛時人以為孝感及陳滅霸先早死斲櫬焚骨取灰投水飲之自縛歸罪高祖曰頌所為孝義之道也不問錄功加爵賞辭不受後為齊州刺史卒



南  
北 頰

字景文頰弟少好遊俠年二十尚不知書為其兄 所責怒因感激始讀孝經論語  
晝夜不倦遂讀左傳禮易詩書乃嘆曰書無不可讀者遂遍通五經究其旨趣解綬  
文善談論年二十二周武帝引為露門學士每有議決多頰所為又曉兵法時以將  
相自許開皇五年授著作佐郎超授國子博士撰五經大義三十卷文集十卷

南  
北 慶

字興慶邠人少開悟有才畧初從周文征伐復宏農破汝苑並有戰功授殿中將軍  
周孝閔帝授太都督使吐谷渾渾主悅服使突厥結好如初後更至突厥屬可汗暴  
殂突厥謂慶曰前後使來逢我國喪者皆斃面表哀况今二國和親豈得不行此事  
慶抗辭不從突厥見其守正卒不敢逼武帝聞而嘉之錄前後使功遷開府儀同三  
司兵部中大夫進爵為公進位柱國為正嚴肅吏不敢犯開皇元年卒贈上柱國謚  
曰莊

南  
北 雄

字雄胡太原人儀貌魁梧少有謀畧魏末從賀拔岳入關除金紫光祿大夫孝武西  
遷封臨貞縣伯大統中進爵武威郡公累遷大將軍周孝閔帝授少傅進位柱國大  
將軍武成初進封庸國公邑萬戶保定四年與齊將斛律明月戰矢盡案稍曰生將  
爾見天子明月反射雄雄中額抱馬走至營薨謚曰忠



南  
北 韶

太原人幼方雅頗好奇節在周以軍功封晉陽縣公隋初進項城郡公晉王廣鎮并州除行臺右僕射韶性剛直王嘗穿池起二山韶自鎖而諫王謝罷之高祖嘉嘆賜

金百兩

唐

方翼

并州人早孤哀毀時號孝童唐高帝時累官肅州刺史烽邏精明河西蝗獨不入境後遷夏州都督為耦耕法用力省而見功多百姓賴之

唐

珪

字叔玠一字禹玉祁縣人少孤貧母李氏嘗曰兒必貴未知所與遊者何人適元齡如晦造訪母大驚曰二客皆公輔器汝貴不疑矣太宗朝為諫議大夫忠直敢言累

遷尚書令與

魏徵齊名

唐

緯

太原人為長安尉累官御史大夫時裴延齡希寵以諸道負錢為羨錢緯奏此皆諸州經費大忤其意改檢校工部尚書

唐

維

字摩詰太原人九歲知屬辭開元九年擢進士第一遷尚書右丞工草隸書畫名盛于天寶間寧薛諸王待若師友有別墅在朝川嘗與裴迪遊其中賦詩為樂孤居二



十年上元初卒代宗求其樂章其弟縉集數十百篇上之蘓軾云摩詰詩中有畫畫  
中有詩

唐  
縉

太原人少好學與兄維俱以名聞舉草澤文章清麗科安祿山亂擢太原少尹佐李  
光弼以功加憲部侍郎俄拜黃門侍郎同平章事領河東節度後知政事

唐  
翊

字宏肱昔陽人擢才兼文武累遷容管經畧使討定夷獠卒贈尚書僕射謚曰肅兄  
翊性謙柔歷山南東道節度使代宗目為純臣卒贈戶部尚書謚忠惠

唐  
鏐

字昆吾太原人始隸湖南團練府為裨將楊爰道潭與語異其才嗣曹王皋為團練  
使俾鏐誘降武岡叛將王國良以功擢邵州刺史準之節度江西也李希烈南侵皋

與鏐兵三千使屯潯陽而皋全軍臨九江襲蘄州遂以眾濟表鏐江州刺史兼御史  
中丞五都虞侯鏐小心善刺軍中情偽事無細大皋悉知之因推以復心雖家人燕  
居或預焉舉攻安州使伊慎盛兵圍之而遣鏐入城中約降使殺不從者翌日城開  
慎以賊降乃已功不下鏐鏐稱疾避之德宗擢為鴻臚少卿卒贈太尉謚曰魏

唐  
彥威

太原人舉明經甲科補太常檢討官嘗采隋唐典禮沿革條次類分號元和新禮上  
之累遷宏文館學士



唐播

字明敷太原人舉賢良方正補墊屋尉善治獄事累遷京兆尹穆宗立以刑部尚書拜相

唐起

字舉之播之弟性孝友讀書一經目不忘元和中釋褐以殿中侍御史兼集賢殿學士數上書諫畋游累擢同平章事帝嘗以疑事令使者口質起具榜子附使者上凡

成十篇號

曰寫宣

宋全斌

太原人初仕周右湘都指揮使宋初為西川兵馬都部署平蜀有功輕財重士寬厚容眾軍旅樂為之用初入蜀時太祖嘗因大雪解所衣紫貂裘帽遣使馳賜焉

宋貴

太原人累官都指揮使太宗時從潘美北征頗立戰功及從楊業為遼兵所圍親射殺數十人矢盡張空拳又擊殺數人遂遇害時年已七十三矣

宋信

字誠之太原人少勇悍真宗時應募以擒賊功補龍神衛指揮使累功遷保州刺史王則反為貝州城下都總管城破則遁信率兵執則而還拜感德節度觀察留侯

宋凱

全斌曾孫徙家京兆寇準奏為三班奉職累遷麟州都監敗趙元昊以功遷侍衛親軍副都指揮使卒諡莊恪凱治軍有紀律善撫循士卒與敵遇未嘗挫衄孫詵能書



善畫尙

公主

宋

### 中立

太原崑嵐州人博學強記家豪于財待賓客豐腆而自舉甚儉不再娶亦不就舉居一室如神人數年乃出人覺其談吐詩翰異常問之不言晚年易名雲鶴自號擬桐

臨終預尅

期而逝

宋

### 旦

真宗宰相父祐不徇太祖意不大用手植

三槐於庭曰吾後世必有為三公者

宋


### 曾

三元宰相氣

節載宋史

以上自漢迄宋悉居太原郡宗族顯人考之萬姓譜廣

輿記世說世家諸書確有實據方為編入若無可核寧





缺毋冒蓋王氏或出北海陳留齊王田和之後或出東  
海姬姓畢公高之後或出高平京兆魏信陵君之後或  
出天水東平新蔡新野山陽中山章武東萊河東殷王  
子比干之後又唐王宋隋末改爲王氏共二十一望惟  
太原瑯琊二望尤著稍不嚴辨卽以他人族爲我族矣  
故此特列居太原者卽瑯琊亦不混入以本宗爲太原  
王氏故也

龍池十五世孫

國芳


謹錄



王升對

蘇州王正世

同世並錄



太氣非依三望本善言不氣幾贈以此人熱氣非熱矣  
千此子心必又與王宋制末期為王升其二十一望新  
出天本東平祿蔡麻從山期中山章苑東萊西東與王  
藏破披果必高文必出出高平京漢縣計刻書文發與  
地世皆蓋王升如出出非幾刻留齊王田味文發如田東



龍池襲慶圖

元珊

鄉飲賓

新美

鄉飲賓

雯例

鄉飲賓

雯派

鄉飲賓

雯才

鄉飲賓

一星


鄉飲賓

一璿

鄉飲賓

一璉

鄉飲賓





一猷

庠生

春鳴

邑庠生

國佐

太學生

一成

鄉飲賓

之輔

邑庠生

于揚

庠生

世祿

邑庠生

世禧

邑庠生

素臣

郡庠生





之城

庠生

之臣

邑庠生

之賓

州同知

之友

邑庠生

之相

州同知

之屏

庠生

之佐


庠生

世泮

康熙甲子科舉人

世靖

太學生



樓夢圖



世斌

州司馬

世寬

太學生

千林舉人

世宰

邑庠生

朝用

庠生

鴻基

邑庠生

鴻業

州同知

鴻圖


太學生

起士

太學生

起儒

太學生





宏聲

太學生

宏楷

歲貢生候補訓導

宏植

邑庠生

宏模

太學生

宏榜

貢生

宏椿

康熙甲午科舉人

宏樞


太學生

宏柱

太學生

宏機

太學生





宏樓

太學生

士徽

邑庠生

士樞

州司馬

士循

太學生

宏望

庠生

宏機

郡庠生

廷城


庠生

廷釜

太學生

廷鉅

邑庠生





聯鑣

貢生

廷楷

郡庠生

廷樟

太學生

維翰

歲貢生候補訓導

大文

鄉飲賓

大光

太學生

大言


邑廩生

琛

貢生

瑞

太學生





芸

邑庠生

元勳

任雲南鶴慶府知事

邦治


歲貢生候補訓導

國芳

邑庠生

家驥

鄉飲賓





遺像論

蓋嘗思祖孫一氣相通無所謂形求惟肖也顧入廟  
思敬僂乎見而愾乎聞禮經何以稱焉夫形于無形  
之難曷若形于有形之易矧道貌堪親德音可慕孝  
子慈孫雖無自聞其警欵尙有以想其威儀苟非摹  
繪當年之狀而勒諸簡其何以流芳百世乎親之故  
愛之尊之故敬之一展卷間恍然如覩其儀型而赫  
赫厥聲濯濯厥靈矣

祖像

仲舒公

泰軍公

待制公



鄉賢叔祖像 附

雲溪公

北山公

雙溪公

行易公

牧菴公

仲山公

龍池祖像

永翁公

兆靈公

兆顯公

兆隆公

新美公

新科公

雯豈公

雯個公

雯倫公

雯例公

雯才公

一棋公

世泮公

世寵公

世爵公

宏椿公

宏袒公


盛遇公

盛柯公

盛梳公

盛琪公

家驥公






遷江南始祖唐上柱國左散騎常侍仲舒公遺像





志儒之本達士之經秩秩而積涵涵而停韡爲英  
華不矜不盈孰播其馨孰發其明介然而居士友  
以傾敷文帝階以忠得名有直有諷王國之禎






始遷武祖泰軍公遺像





時遭五季陽九百六哲人知幾雄飛  
雌伏維揚應聘返乎初服進退從容  
不驚寵辱溶溶武水深深雲谷擇地  
肇遷居而成族其存者長宛然在目  
仰惟肝鬲視此幘幅






武口二代祖待制公像遺





黃河之水濫觴崑崙孰輸其膏  
而離本原釁惟戒公位不副德  
玉筍班移衡門影息冬蠹麟載所  
積衷斯涼戴笑班今職此之由  
儀型匪令在咎百古期無忝哉  
聿脩念祖





鄉賢雲溪公遺像






安仁縣男自矢風厲本年學向

以裕經濟敷政所裨民生國計

攘簿書尚游文藝著述等身

奏帙百計校讐手錄萬且不啻老

於雲溪七十八歲歿而祖豆遂空一切






鄉賢北山公遺像





脩撰勤猷盛  
簡石巒雪  
氣果靖  
歎氣志喜  
賴聖君  
山歸  
復誰  
雪勒移產






鄉賢雙溪公遺像





吾我相對遂有兩人蒼髯半雪顴角嶙峋此兩人者孰  
主孰賓其一凝立是色非身其一頓笑是身非真真者  
爲誰湛然一心此心雖一亦有真妄妄心無實真心無  
相無實冰解無相月朗不探金珠不陋草莽本無榮辱  
何有得喪十分明眼不見形狀畫史閣筆休生妄想

雙溪氏自題






鄉賢行易公遺像





易具式義隸於易簡知而行之  
所學所善太古先生冲虛斐間  
研精義文串繡長綰曰數理存  
雜物德擬後唐出悟太來明辨  
厚志薄身身隱益顯倚古之心  
於今猶緬






鄉賢牧菴公遺像





貌挺以特淪雄而肆師事  
雲峯潛心格致抱道自高  
不趨榮利朋自遠方質疑  
日至蕭瑟西山時焉成市  
曰古張華絕壑居士





鄉賢仲山公遺像





神靈縵質再尺甫宮賸壯  
夷訛繼也效功其姓董桂  
器胎韋風寧己瑣燄而飛  
內缸續繼翬嶺門戶文攻  
國步艱吳於八何風歸而  
養親肥謝風榻鳴吟仲山  
原麤諤躬



龍池始遷祖永翁公遺像




貴




請以誠懇肅承公意

存心以仁制事以義體用克全內外咸備  
擇里卜居允昌後嗣明德馨香於今未墜





五世祖兆靈公遺像










五世祖兆顯公遺像





世世世世世世

日新其德篤實輝光和諧昆季嘻嘻一堂  
不弱鰥寡不畏剛強居心制行可叩穹蒼





五世祖兆隆公遺像





醇謹一生正心誠意排解紛爭不圖名利  
各公巨卿目公輔器德澤流長世受其庇





八世祖新公遺像









八世祖新科公遺像





八世祖諱公

累功積德人無間言肯堂肯構祠宇長存  
 門庭光大宜爾子孫登堂入室俯仰斯人







九世祖震豈公遺像





此世無靈巖

祖垂大烈孫關遠謨承先啟後建監迥殊  
 衣冠瞻視載披厥圖洋洋如在故我今吾





九世祖震個公遺像






大世顯美論公費


謙恭持己孝順奉親力行忠信席上之珍

大節克盡誰與為倫典型具在奕葉明禋





九世祖雯倫公遺像





世世風雲論


行根孝弟業本力田後昆垂裕寵錫自天

恪遵成憲德化流傳披圖如見卓犖依然





九世祖震公遺像






大世厥靈

友于兄弟上媿古人慈以繼孝負荷析薪

青虬策駕彰表有真肅然者貌儼然者神





九世祖霁才公遺像





世世麻妻不為

拯困扶危非為名計分產給親女養代婿  
不獨義漿惠能普濟一生行迹足垂萬世





第十世祖一栢公遺像



遠也三三三三三三

六六六六六六

貴象

世一



超羣絕俗地學尤精擇其吉穴安妥先靈  
至今墓兆共羨佳城遺蔭後裔克振家聲






十一世祖世泮公遺像





出類拔萃磊落瑰奇始祖遺墓贖不吝貲  
 老母抱疴事不告疲才品無雙何愧褒詞





十一世祖世寵公遺像



遺像

廿三



邾欽易寓何愧魯男解紛排難拯拔澤覃  
頻興土木創建亭庵至今鄉鄰傳為美談





十一世祖世爵公遺像





賦性剛強居心仁義爲祖卜宅豪右不避  
訟辨是非挺身成事孝思不匱永錫爾類





第二十世祖宏椿公遺像





賢書接錄巧力英奇父遭羅網輾轉護持  
顛危克脫純孝如斯有猷有守人仰慕之





第二十世祖宏祖公遺像





十三世脈法

繩趨尺步折矩周規與人無侮攸徃咸宜  
 丰徽已遠酷肖鬚眉春禘秋嘗咸仰慕之





十四世祖盛公遺像



遺像

世七




新嘉坡公慶盛世四十四

公平作事易如反掌夜凜四知不生妄想  
有威可畏有儀可象其德不爽壽考不忘





十四世祖盛琪公遺像






追琢其章金玉其相樂只君子邦家之光  
子孫千億穆穆皇皇先生之風山高水長





十四世祖盛公柯遺像





勤儉自持浮華弗務率性而行敬天之怒

利物濟人和風嫗煦名顯鄉鄰甘守吾素





第十四世祖盛桃公遺像





品行超羣儀型可慕獲利不充爲善必勗  
本支克親中表是睦凡茲懿範令人欽服





第十六世家驥公遺像





性天質直學類鴻儒品行端方齒與爵俱

音容宛在故我今吾抱道自重甘守蠢愚





